



Årsmelding 2016 for Nordfjord vassområdeutval

Om Nordfjord vassområdeutval

Vassområdeutvalet er eit samarbeidsorgan for kommunar, statlege styresmakter og fylkeskommunen, for å ivareta oppgåver etter vassforskrifta i vassområdet. Det overordna målet er å sikre tilstrekkeleg høg økologisk og kjemisk tilstand i alle elvar, innsjøar, kystvatn og grunnvatn. Vassområdet bidrar mellom anna til innhaldet i regional vassforvaltningsplan med tiltaksprogram for Sogn og Fjordane.

Prosjektplanen for 2016 – 2021 omtalar bakgrunn, mål, organisering, oppgåver, framdrift og økonomi for vassområdeutvalet. Kommunane er areal- og planstyresmakt og har sektormyndighet på område som landbruk, miljø, vatn og avløp, ureining etc. Kommunane har eigne verkemidlar og / eller har delegert myndigheit frå staten. Kommunane har difor ei særrolle i vassområdeutvalet, og mykje av arbeidet i vassområdet blir gjort for å bistå kommunane. Alle kommunane som har størsteparten av arealet sitt innanfor Nordfjord vassområde har slutta seg til prosjektplanen ved politiske vedtak.

Drifta av vassområdet er finansiert gjennom eit spleiselag mellom kommunane (50 %), fylkeskommunen og Fylkesmannen (50 % til saman), som skildra i prosjektplanen. Prosjektleiing for vassområdet er tilsett av Sogn og Fjordane fylkeskommune, og har sin daglege arbeidsplass på Sandane i Gloppen kommune. I tillegg til dei ordinære driftsmidlane har Nordfjord og Sunnfjord vassområde fått tilskot frå Fylkesmannen i Sogn og Fjordane for eit prosjekt med den truga arten elvemusling.

Tiltaksgjennomføring

Tiltaksprogrammet viser kva som må gjerast for å sikre tilstrekkeleg høg økologisk og kjemisk tilstand i vassdrag, sjø og grunnvatn. Dei delar av tiltaksprogrammet som kommunane har ansvar for gjeld i hovudsak ureining av elvar og innsjøar frå landbruk og avløp. For mange av desse vassførekomstane er kunnskapsgrunnlaget for mangelfullt til å velje effektive tiltak. I desse tilfella er det problemkartlegging som er tiltaket. Dette er i Nordfjord vassområde løyst ved overvaking og synfaring / bekkevandring, i tillegg til eit prosjekt som vart gjennomført i 2014: *Problemkartlegging og tiltaksanalyse av utvalde vassførekomstar i Nordfjord vassområde* (Yri 2015).



Overvaking

Overvaking har i 2016 omfatta

- Vassprøver. 79 prøver vart tatt til analyse av mellom anna næringsstoff, organisk stoff og bakteriar, fordelt på 23 vassførekomstar og 3 tidspunkt (sommar, tidleg haust, sein haust). Ei rammeavtale for analyse av vassprøver vart inngått med VestfoldLAB i oktober 2016 for 2 år med opsjon for 2 år til. Innkjøpsavdelinga til Sogn og Fjordane fylkeskommune føretok denne offentlege anskaffinga på vegne av fylkeskommunen og Fylkesmannen.
- Undersøking av botnlevande algar i ei elv i Jølster kommune. Asplan Viak samla inn prøvene som vart analyserte av Limnoconsult, etter ei offentlig anskaffing.

Synfaring / bekkevandring

Det er arrangert synfaring / bekkevandring 5 dagar i 2016:

Kommune	Vassførekomst	Dato	Deltakarar
Stryn	Stryneelva	12. mai	KOM, FK
Gloppen	Sideelvar i Breim (3 vassførekomstar)	22. juni	GR(8), NVF, KOM, FMLA, FMVA, FK
Eid	Hjalma, Torvikelva, Kjølsdalselva	14. september	GR(21), POL, NVF, KOM, FMVA, FK
Bremanger	Hausleelva/Storelva	12. oktober	GR(3), KOM, FK
Stryn	Stryneelva	14. oktober	GR(1), KOM, NVE, NIVA, FK

GR(X)=grunneigarar (tal personar), POL=kommunepolitikar, KOM=kommunen, FMLA=Fylkesmannen landbruksavdelinga, FMVA=Fylkesmannen miljøvern avdelinga, FK=fylkeskommunen, NVF=Naturvernforbundet

Møteverksemd

I 2016 arrangerte vassområdet møte som vist nedanfor. Referat frå møta finn ein på vannportalen.no/nordfjord , under meny punkt «Møte i Nordfjord vassområde».

Vassområdeutvalet	22. april
Prosjektgruppa*	21. januar, 18. februar, 17. mars, 12. mai og 9. juni
Temamøte om jordbruk	26. mai
Temamøte om avløy	30. november
Jølster kommune	24. juni

*) Prosjektgruppa er samansett av ein administrativ kontaktperson frå kvar kommune



Prosjektleiari har i tillegg deltatt på fleire møte for å drøfte organisering, prosess, arbeidsmåte og konkrete problemstillingar. Følgjande har delteke på møta:

Politisk leiing av vassregionutvalet	5 møte
Fylkesmannen miljøvernavinga	14 møte
Fylkesmannen landbruksavinga	1 møte
Norges vassdrags- og energidirektorat (NVE)	5 møte
Andre statlege etatar i vassregionutvalet	1 møte
Vestlandsforskning	2 møte
Vestfold lab	1 møte
Lokale bondelag i Gloppen kommune	1 møte
Innlegg på Samling for landbruk og miljøforvaltning, Loen, arr: Fylkesmannen, 01.11	

Prosjektleiari har deltatt på følgjande nasjonale samlingar / konferansar:

04.04 – 05.04	Nasjonal erfaringsamling med vassregionstyresmakter
29.08	Seminar om miljøgifter, Miljødirektoratet Oslo
30.08 – 31.08	Seminar om restaurering av vassdrag, Miljødirektoratet Trondheim
02.11 – 03.11	Nasjonal vannmiljøkonferanse, Miljødirektoratet Trondheim

Deltaking på kurs:

Kurs i Energi- og vassdragsjuss - vårsemesteret 2016, med kurssamling 30.05 – 3.06.
Kurs om offentlig anskaffing – fylkeskommunen 16.11

Økonomi

Førebels rekneskap viser at inntektene samsvarer med budsjettet i prosjektplanen for 2016 – 2021. Vassområdet fekk etter søknad 120 000 kr i støtte frå Fylkesmannen til arbeid med den trua arten elvemusling i Sogn og Fjordane. Store deler av prosjektet vart gjennomført i 2016, men kostnader vart ikkje rekneskapsført same året. Kostnadene er difor lagt inn i budsjett for 2017.

Nordfjord vassområdeutval deltok i 2016 i eit spleiselag med NVE, Fylkesmannen, Statens vegvesen og Sogn og Fjordane Energi, som omfatta kunnskapsinnhenting og biotoptiltak i Bortneelva i Bremanger kommune. Beløpet er ført i rekneskap og budsjett 2016 på posten Biotoptiltak vassdrag.

Førebels rekneskap viser at utgifter til prosjektleiing, møter/reiser/kurs og vassanalysar/overvaking ligg innanfor budsjettet. Rekneskapen syner eit overskot i 2016 på ca. 234 000 kr (beløpet er ikkje endeleg stadfesta). Overskotet er overført til fond, og øyremerka til vassforvaltning i Nordfjord vassområde.

Nordfjord vassområde



Litteraturhenvisning

Yri, A.W. 2015. *Problemkartlegging og tiltaksanalyse for utvalde vassførekomstar i Vassområde Nordfjord*. Hovudrapport 53 sider, og 23 delrapportar.

<http://www.vannportalen.no/vannregioner/sogn--og-fjordane/vassomrade/nordfjord/nyhende-nordfjord/2015/mote-i-nordfjord-vassomradeutval-22.011.2015/>